

# INDULGENTIÆ

*Quas Summus Pontifex, vel ab eo delegatus benedicendo Coronas, Rosaria, Cruces, Crucifixes, parvas statuas, Numismata, Medaglie vulgo nuncupata, impertitur Christifidelibus, qui secum habentes, vel apud se retinentes aliquid ex præfatis, infrascripta pia opera implebant.*

**U**Triusque sexus Christifideles in primis admonitos vult Sanctitas Sua, ut quis consequi valeat Indulgentias, quas in præfata Benedictione concedit, necessario requiri aliquid ex enunciatas Numismatibus, Coronis &c., secum habere, aut apud se retinere.

Item orationes, devotasque preces infrascriptas, uti conditiones pro Indulgentiarum consecutione requisitas, unumquemque teneri recitare, vel secum deferendo Coronam, Crucifixum &c., vel si quis secum non habeat, eadem in cubiculo, vel alio decenti loco suæ habitationis retinere, et coram eis respectivas preces recitare debet.

Præterea ab hujusmodi Benedictione Sanctitas Sua rejicit Imagines, sive impressas, sive depictas necnon Cruces, Crucifixos, parvas Statuas, Numismata, vulgo *Medaglie* nuncupat, quæ ex ferro, stamno, plumbo, vel ex fragili alia materia, facilisque consumptionis conficiantur.

Vult denique Sanctitas Sua Imagines, et Icones benedicendas representare Sanctos, vel jam canonizatos, vel in Martyrologio Romano descriptos.

His pro clariori intelligentia prænotatis, Indulgentiarum series, quas quis consequi potest, necnon piorum operum implementorum elenchus recensetur, prout infra, videlicet.

Quicumque semel in singulas hebdomadas Coronam Domini, aut Beatissimæ Virginis, vel Rosarium, ejusve tertiam partem, aut Officium, sive divinum, sive parvum ejusdem Beatissimæ Virginis, vel Defunctorum, aut septem Psalmos pœnitentiales, vel Graduales recitabit; aut rudimenta Fidei tradere, aut detentos in carcere, vel alienjus domus Hospitalis ægrotos visitare, aut pauperibus